



HOSPITAL TENGKU AMPUAN AFZAN Kuantan

PANDUAN IBADAH PESAKIT



OLEH
UNIT HAL EHWAL ISLAM
HOSPITAL TENGKU AMPUAN AFZAN

dengan kerjasama
JABATAN AGAMA ISLAM PAHANG
&
UNIT PROMOSI PENDIDIKAN PESAKIT HTAA

" Simpan Semula Di Rak Selepas Baca "

KEPENTINGAN SOLAT KETIKA SAKIT

- ✿ Bukti cinta yang tidak berbelah bahagi.
- ✿ Tanda kesabaran dalam menghadapi ujian.
- ✿ Tanda keinsafan ke atas dosa dan maksiat.
- ✿ Sebagai satu cara untuk memohon penyembuhan segera dari Allah

SOLAT WAJIB DIDIRIKAN PADA WAKTUNYA

- ✿ Tiada sebab yang membolehkan seseorang yang wajib melakukan solat fardhu menangguhkan solat tersebut daripada waktunya melainkan orang yang tertidur atau lupa, atau dipaksa, atau orang yang melambatkannya kerana jama' dengan sebab musafir atau hujan.
- ✿ Solat 5 waktu adalah kewajipan yang tidak boleh ditinggalkan. Selagi seseorang itu berakal, kewajipan solat tetap dituntut sekalipun dalam keuzuran (sakit) atau 'masyaqqah' (kesukaran berat), solat wajib didirikan mengikut keupayaan.

BAGAIMANA CARA BERSUCI KETIKA SAKIT

A) Pesakit yang berbalut anggota wudhuknya (ryles tube, balutan, i.v branula, traction) :



- ✿ Hendaklah mengambil wudhuk seperti biasa (atau boleh guna spray) dengan membasuh anggota wudhuk yang tidak berbalut (Jabirah).
- ✿ Anggota wudhuk yang berbalut hendaklah (wajib) disapu dengan air ke atas balutannya. Jika mudharat, gugur kewajibannya. Tidak perlu dibersihkan dahulu sebelum dibalut.
- ✿ Sah solat dan tidak perlu diqadha'.

B) Pesakit yang tidak boleh kena air/ debu (melecur, ulser, ulser septik, selulitis, kayap) :



- ✦ Hendaklah berwudhuk atau tayammum (bagi anggota yang sihat) dan solat mengikut kemampuan dan tidak perlu qadha'.

C) Pesakit yang tidak boleh kena air (contohnya, kerana sangat sejuk) :



- ✦ Hendaklah bertayammum
- ✦ Sah solatnya dan tidak perlu diulang.

TAYAMMUM :

Tayammum ialah menyapu debu yang bersih ke muka dan dua tangan hingga ke siku, dengan beberapa syarat. Tayammum berfungsi sebagai pengganti wudhuk atau mandi wajib. Tayammum hendaklah dilakukan setelah masuk waktu solat.

CARANYA :

1. Dapatkan debu tanah yang bersih. Tekap kedua-dua tapak tangan ke atas debu dengan niat " Aku bertayammum bagi mengharuskan solat kerana Allah. "
2. Sapu ke bahagian muka yang tidak berbalut.
3. Tekap kedua-dua tapak tangan sekali lagi ke atas debu di tempat lain. Kemudian sapu kedua belah tangan yang tidak berbalut.



D) Pesakit-pesakit lain (pengguna CBD, pengguna colostomy bag) hendaklah :

- ✦ Pastikan telah masuk waktu solat
- ✦ Tanggalkan hujung C.B.D
- ✦ Bersihkan tempat keluar najis (stoma bag), ganti dengan beg yang bersih.
- ✿ Berwudhuk seperti biasa
- ✿ Solat dengan segera
- ✿ Sekiranya najis keluar semasa solat, boleh teruskan solat. Ia dimaafkan kerana kesukaran.

E) Sakit nak bersalin (dah turun air, dah keluar tanda) dan istihadah :

- ✦ Pastikan masuk waktu solat
- ✦ Basuh tempat keluar darah/air dan gantikan kapas lain sebelum berwudhuk.
- ✦ Mengambil wudhuk dengan segera
- ✦ Darah/air yang keluar semasa wudhuk dan ketika solat adalah dimaafkan.

** Wudhuk wanita ini (penghidap istihadah/penyakit lain) hanya sah untuk satu solat fardhu sahaja.*

BAGAIMANA SOLAT KETIKA SAKIT

Pesakit yang tidak mampu menunaikan solat dengan berdiri (hukum asal solat), boleh menunaikan solat mengikut kemampuan sebagaimana susunan berikut :

1. Berdiri. Jika tidak mampu,
2. Duduk (atas lantai/atas kerusi/ atas katil dan sebagainya). Jika tidak mampu,
3. Mengiring atas rusuk kanan. Jika tidak mampu,
4. Berbaring (melentang dengan kepala di atas dengan bantal). Jika tidak mampu,
5. Isyarat mata. Jika tidak mampu,
6. Isyarat dengan hati.

** Di samping itu, pesakit yang mengalami kesukaran mendirikan solat mengikut waktunya (contohnya, ingin menjalani pembedahan yang memakan masa lama), diharuskan menunaikan solat secara jamak (takdim atau ta'khir).*

** Pesakit yang sukar menghadap qiblat ketika solat, boleh menghadap ke arah mana saja yang mudah dan selesa baginya.*

HIKMAH SAKIT

Ingatlah, anda bukanlah orang yang malang, tapi anda telah ditakdirkan oleh Allah untuk sakit dan berada di hospital ini kerana sesuatu kebaikan yang anda tidak tahu. Sakit yang dideritai oleh seseorang muslim mengandungi hikmah-hikmah tertentu, antaranya :

- ✿ Sebagai Ujian - satu cara Allah menguji tahap kesabaran dan keimanan seseorang
 - ✿ Sebagai Kifarah - untuk peringatan agar kita meningkatkan ibadah kepada Allah serta untuk menghapuskan dosa.
 - ✿ Untuk meningkatkan darjat (kedudukan) di sisi Allah, jika bersabar dan redha dengan penderitaan yang dialami.
 - ✿ Peluang mendapat redha Allah.
 - ✿ Meneruskan kesinambungan ibadah. Ibadah yang dilaksanakan ketika sakit, walaupun tidak sempurna, pahalanya sama seperti ibadah waktu sihat.
 - ✿ Husnul khatimah. Jika ditakdirkan meninggal dunia ketika sakit, Insya Allah meninggal dalam keadaan baik dan sempat mengucap dua kalimah syahadah.
-
- ✧ Ingatlah sakit itu daripada Allah dan kesembuhan juga dengan izin Allah. Oleh itu, berusaha dan berikhtiarlah untuk sembuh. Berdoa kepada Allah adalah ikhtiar yang paling utama.
 - ✧ Sihat bukanlah tanda yang Allah sayangkan seseorang. Orang yang disayangi Allah ialah orang yang bersabar ketika ditimpa kesusahan, dan bersyukur semasa mendapat kesenangan.